## 庫全書

子部

欽定四庫全書

于部 **港園礼記卷**了

詳校官中書臣王 鵬

員外郎臣牛稔文覆勘 校對官主事臣陳文極 總校官進士臣朱 腾録監生 即世後

鈐

次記の重ない **郵定四庫全書** 湛園礼記 提要 國朝姜宸英撰宸英號西溟慈谿人康熙丁丑 祭之說未免偏執引軒轅大角傳謂軒轅十 說而訂正三禮者尤多其中如堅主天地 進士官翰林院編修是書皆其考證經史之 臣 等謹案湛園礼記四卷 湛围礼礼 子部 雜家類二雜方之屬

五万日人人 顏 **虎子之始不知漢制侍中所執乃在廣前** 張平宅戰艦聲如野猪事證陰子春先鳴語 不知乃唐徐堅文引李廣鑄虎頭為溲器為 跳事證造紙不始蔡倫不知乃吳均偽書引 為民之義亦未免穿鑿又如引西京雜記簿 不知先二子鳴乃出左傳引蘇縣為宋祁語 七星如龍形有两角角有天民小民以證 玻婦人詩集為玉臺新詠之祖不知新 角

とこりしたとう 皆 者豈有所刪削與合併與乾隆 小傅本為五卷此本乃黄 從 閻 月 《其說論》 若璩欲改 茶校 埽 有 核者多猶 簡 人詩亦皆不免小有政外然考論禮制 上 礼之文而 亦典核其書據鄭羽達所作震英 湛圈 礼記為割 説部之有根 礼記 剳 則古人奏事之名故不 記以 叔 柢 琳 爾 者前有自序 四十六年 編入湛園 稚 注 左傅 集

火足马車公書 簡數行可盡者書之於方方所不容者書之於策又云 然劉子古 傳聞而 余本題礼記淮陰間徴君乙之而改為劄記按爾雅 同 器簡謂之畢郭璞云今簡礼也春秋傳疏云簡礼贖畢 湛園礼記原序 事傳聞記於簡牘簡牘即礼余所記者大抵多小事 物而異名凡為書字有多有少一行可盡者書之於 行可盡者故取名以此劄之與札義雖通用 人順用以奏事註疏家未當及之兼劄記名 湛调礼記

書古人多有余欲少異其字以自别耳故不從徵君仍 湛園札記原序 札記辛未秋八月廿五日識 府. 飲定四車全書 時河出圖的作易此經註黃帝時天大霧三日帝 Charles Control )馬相謂河圖將來告帝以期知我者重瞳也五 大魚殺五牲以醮之天乃甚雨七日 翰林院編修姜宸英撰 A STATE OF THE PARTY OF THE PAR 湛图礼記 他をおいかい 圖視的篇是也又論語 讖 於首山而導河渚有五

所本也 洛修竟故事又禹治洪水觀於河見白面長人魚身 後二年光又率奉臣沈璧於洛受龜書舜亦設壇河 老乃翻為流星而入於昴拾遺記免於河濱得玉版 於河有龍馬吐圖以白玉為檢赤玉為泥約以青繩 方尺圖天地之形又符瑞志克以二月年丑修壇場 舜禹河圖凡數見以洛書為河圖者則關子明說之 出曰吾河精也授禹河圖而還於淵是伏羲黃帝堯

飲定四車全書 門 西漢歲課士有對策射策師古曰射策者謂為難問疑 義書之於策量其大小置為甲乙之科列而置之不 俾謂歲課甲科為郎中乙科為太子舍人丙科補文 以不應令除為太常掌故也甲科下有乙丙科儒林 以對策為江都相蕭望之以射策甲科為郎是矣甲 使彰顯有欲射者取而擇之以知優劣對策者顯問 乙之科隨其事之大小而隱置之故匡衡射策申科 以經義令各對之而觀其文辭定高下也按董仲舒 ·湖

衛宏定古文尚書序至電錯受尚書於伏生之女錯齊 義即漢射策之法進士科顯試以詩賦策論觀其文 解則對策之遺意矣 屬讀而已按漢書伏生得藏壁書二十九篇即以教 亦以宣帝不好儒術故抑而至此唐宋以還明經貼 學掌故匡衡雖是不應令下從丙科之倒而為掌故 於齊魯之間齊學者由此頗能言尚書其後有張生 八語多與潁川異錯所不知者凡十二三器以其意

次足四車上書 人 相如傳言在梁著子虚賦天子讀而善之相如曰此諸 文翁減省少府用度置刀布蜀物齎計吏以遺博士師 歐陽生伏生孫亦以治尚書徴據此則伏生雖老何 得用之以為教養士子之具漢之所以養庶者厚矣 古曰少府郡掌財物之府以供太府者也夫縣官有 必使其女傳言教錯即傳言而徵明者有人亦不至 以意屬讀也明是好事者為之說 少府以供私用而是時天下之郡皆有之其賢者至 湛国礼記

中行說難漢使曰且禮義之弊上下交怨而室屋之極 緊接無從分段不知緣何有先後篇之別豈著上林 虚藉此三人為辭其為子虛也旣立此三人名以為 時始改剝前賦而為之耶不然則前賦為不了語矣 事也為齊難亡是公者亡是人也欲明天子之義故 上林之地矣後上林賦亡是公語與烏有先生齊難 札相如以子虚虚言也為楚稱烏有先生者烏有此 侯之事未足觀請為天子遊獵之賦上令尚書給筆 次定四軍人主 劉禹錫作九日詩欲用糕字思經中無此字遂止宋景 烏氏贏用谷量馬牛泰始皇今比封君與朝請巴寡婦 强之本教也後世動破壞富家詭云强榦弱枝之 者殊失之矣 用財自衛為築女懷清臺周禮安富遺意亦秦致富 生力屈馬此老氏之肯當時文帝尚黃老故其 相習成風如此 **ム以谷量馬乃邊陲舊俗也** 高數問爾朱榮聞公有馬十二谷云 甚圖礼記 **29** 

書粗率而反笑夢得非詩豪致為後來口實可笑也 太早九月啖糕未好本欲專山射虎激射旁中趙老 語也公彦唐人資糕又是唐俗稱無關經語景文讀 養賈公彦疏始云今之養糕以解之糕字見此非鄭 此糕字正合本事雖非經文出自正史以此駁劉斯 北齊基連猛與趙彦深俱被出先是謠曰七月刈禾 中無糕字遂作詩嘲之今按鄭註合蒸曰餌餅之曰 文讀周禮糗餌粉餐鄭註今之資糕云安得謂六經 次定四年全書 註張檀案以種為林於幄中則狀亦得稱案矣 疏粉食菜飲蒸若今煮菜謂之蒸菜也按今俗蒸餅用 菜為餡此類是矣,易則九四則折足覆公餗其形 無辭矣 食之遵亦有節道 於屋中按周亦以筍為珍味故其詩曰維筍及蒲饋 為菜也是八珍之食臣下曠官失君之美道當刑之 渥凶鄭註云粉謂之餗震為竹竹萌曰筍筍者餗之 港国礼記

宫伯之職内宰分其人民以居之註云人民吏子弟疏 司會之職惟王不會而司書之職凡上之用財用公改 王畿内公邑之地有四處二百里三百里其大夫如 當為宮伯所掌宿衛之士庶子 宦官有養兒耶恐是賈氏智見漢末之弊故有此說 吏即附寺弟子宿衛后宫者按問寺有弟子豈此時 於司會註云上謂王與冢宰王雖不會亦當知多少 而闕之司會以九式均節邦之財用

**園人掌園游之獸禁註園游園之離官小苑觀處也疏** 疏司門國門十二者除四時祭外仍有為水祈禱左傳 謂於王宫之外於苑中離別為宮故名離宮以宮外 莊公二十五年有用牲於門之事按水祈雲榮與呈 同此義別見 制亦彷彿如後世州縣之相臨矣 百里曰州四百里曰縣而言蓋周雖封建而公邑之 州長四百里五百里其大夫如縣正此約司馬法

次定四年公書

湛图扎記

遺人掌邦之委積以待施惠鄉里之委積以恤民之囏 麇 法有数名春秋御廩灾天子亦有御廩單言廩則平 常掌米之廪明堂位魯有米康有虞氏之學以有虞 為客館亦名離宫也按宫外客館為離宫則齊王見 亦有高廩以其萬億及科非藏米之數故以藏穗言 氏尚孝合藏粱盛之委故名學為米廩非廩稱也詩 孟子於雪宫亦是古制 **之與常康母康又異** 

大下日本とは 及徹帥學士而歌徹注云像者歌雍雍在周頌臣工之 直謂領國用耳於民無涉而後世概歸之先王恤民 **美倉社倉意也若倉人所謂有餘則藏而待凶以頒** 民之食而賙其急是使民貧富相均以相賜恤即後 厄縣都之 什實疏聚十篇為一 所掌即後常平法意也司稼以年之上下出敛法均 /政非也 /委積以待凶荒此委積是國用之餘遺 湛围礼記 一卷故云之什令人詩卷帙多

大司樂以樂語教國子與道諷誦言語註背文曰諷以 聲節之日誦疏文王世子春誦謂歌樂歌樂即詩也 不倫而概云之什亦無謂 樂語入謂之歌樂蓋樂主人聲而文之以金石管絞 自衛反魯然後樂正雅頌各得其所解之者曰孔子 以配樂而歌故云歌樂亦是以聲節之詩古者謂之 以詩為本稱詩者亦必言樂詩與樂一也孔子曰吾 音之器其實八音之器之聲由人聲而準故樂必

次里四車上十 然得所此皆分詩樂為二物不知孔子所言樂即指 誦詩三百孟子亦曰誦其詩誦义者抑揚高下其聲 皆以習樂也習樂而詩在其中矣故學詩者必於成 哉古之教學者之詩必以誦節其抑揚高下之聲而 均均者樂之調也蓋詩者不可以禮義求也孔子曰 雅頌其曰正即得所也下直以實上語耳豈有二義 正樂必先刪詩或言孔子無刪詩之事樂正雅頌自 配之金石筦絃八音之奏故春誦夏必絃絃誦者凡 湛围机犯

230 含りビ 設亦具文耳於是後之說詩者泛泛馬無所主而專 詩之所以益亡也好古者猶欲追黄鐘之音於六義 求之文字之間其說支離畔散理義多而性情少此 奏而今不傳矣詩之度數節奏既失則八音之器雖 同然後聞之者亦以其聲之抑揚高下也而入於耳 而感於心其精微之極至於降鬼神致百物莫不由 此而樂之盛莫逾馬當時教人誦詩必有其度數節 而後可以得其人之性情與其貞注邪正憂樂之不

次定四車全書 人 積學之久則不能工求其工於文字者宜乎雖學士 為蓋古人於聲音之道家習而户晓之雖擊壤拊在 既亡之後截懈谷之竹案中山之恭布從室之灰法 樂後世人不知樂言詩者弟以其文字而已文字非 動語律品米風者得之又必稍節文之而後播之於 思婦田野農夫皆優為之而今學士大夫則不能以 非不善也而古樂終不可復作故古之為詩者征人 大夫而於詩猶有所未暇也 港图礼記

爵行曰裸疏此周禮脒皆據祭而言至於生人飲酒亦 天府疏司民軒號角也者案武陵太守星傅云軒轅十 一已祓除謂之戒浴見祓除疏挚虞束哲之 七星如龍形有两角角有大民小民此五音角之所 以為民也 灌也 或 貫氏是唐人 曰灌故投壺禮云奉觴賜灌是生人飲酒爵行亦曰 語 /對好失

次是四年代十二 太史掌典法則以逆邦國都鄙官府之治按八典八法 昭元年左氏傳鄭子產云辰為商星祭為晉星後人以 專而分其柄也太史所致而不信者則刑之內史又 晉星商主大火改左氏本文而於商之誤稱質始於 此矣 祭辰為祭商者誤鄭司農說星土引春秋傳曰祭為 以宗伯不相屬之官復受而逆治之所以防冢宰之 則家宰所建以治百官者小宰既掌其貳矣太史 . 湛国礼記

諸子掌國子之俗註曰國子者是公卿大夫士之副貳 **德亦得世故詩曰凡周之士不顯亦世也余按經國** 察也周禮之制豈專重家宰者哉 掌王八枋之法以詔王治而八法之五則易誅而殺 其藝而進退之疏謂才藝長進與官爵才藝短者退 子存遊倅使之修德學道春合諸學秋合諸射以考 疏按王制大夫不世令亦有倅入世者以大夫有功 此天子執法之吏近於今都察院之職所以互為斜

決定四車全書 蝈 鄭司農讀為城城蝦養也月令曰螻蝈鳴故曰掌去 **龜黽龜黽蝦暴屬據司農則城也蝦暴也樓烟也** 不得繼其祖父之爵位者矣雖曰世官而與平流之 物異名康成謂蟈今御所食蛙也蜮乃短狐據此 叙進亦甚不遠也 蝦暴詩强號為蛙蛤又云周公所不堪灑灰垂典教 **蝈與螻蝈另是一** 之使更服膺受業也如此使其終身德業不進亦有 物御所食則漢重此物韓退之 ·湛国礼妃 食 則

古者殺人亦必擇日而後加刑獄訟成士師受中協 東夫疏謂今先入東矢不直則没入官按此則情直 重矣却無此理下入釣金放此 刺訊萬民萬民間有德行不仕者此說却好 是以蛙與蝦暴為一也又云大戰元禹年元男五年 者訟終則還之也若曲直概入官比於今之罰銭更 蛙蝦墓鬬則蛙與蝦墓為二物 刑殺註和合支幹善日若今時望後利日也 E)

**议定四事全書** 望其輻欲其學爾而繼也註鄭司農云學讀為紛容學參 孟子曰諸侯有王見大行人諸侯之王事註按今本孟 疏削今之書刀者漢時蔡倫造紙蒙恬造筆云云按蒙 連文而復云檢未得未知何意 從風之移疏司馬長卿上林賦云從風倚移此二句 林賦紛溶前簽猗犯從風前註追崇於軫讀為倚移 子無此句豈亦有逸篇數 之掣疏先鄭云云此蓋有文令檢未得此句本見上 港国礼记 1

城 鐘大而短則其聲疾而短開鐘小而長則其聲舒而遠 思灾則浮思者小樓也愚按浮思為小樓則城隅 植是矣 偶之制九雄疏鄭以浮思釋隅者按漢時云東闕浮 者於樂器中所擊縱聲舒而遠聞亦不可是以樂記 聞註淺則躁躁則易竭深則安安則難息釋曰此二 恬秦人而云漢時亦紀述之誤 云止如稿木不欲遠聞之驗也此段說樂理最精文 卷 次主四車全書 人 車人之事半起謂之宣註頭髮皓洛曰宣易異為宣髮 素雜記唐蘇羯演義界思織絲為之輕疎浮虛象羅 當門臺即鄭所謂城隅數 城也間城臺也正義云閣是城上之臺謂當門臺也 **誰樓通城身為九丈其實樓二丈高也** 今城上譙樓天子城隅九雉為九丈城身高七丈則 也鶏說是也按鄭風有女同車章出其閨閣傳闡曲 網交文之狀蓋官殿簷户之間杜詩果愚朝共落是 港國礼記 黄朝瑛組

羊車註羊善也羊車若今定張車疏亦未知定張車何 **鼂錯傳古文尚書於伏生之女河問獻王得周禮於李** 漢西河郡之園陰園本作園而王莽改名方陰則已誤 所用但知在宫内所用故差小為之謂之羊車也愚 諺人頭髮早白謂之算髮即宣髮之訛也 園為園矣銀音館陶有屯氏河隋氏分析州縣名為 按定張車與果下馬俱宮內所用 毛氏河而置毛州則復誤屯為毛矣

改定四車全書 以 史漢書功臣侯年表皆亡國耗矣耗音毛顏師古曰孑 服度曰持高帝衣冠月旦以遊於衆廟已而復之按月 然獨立貌合俗猶謂無為耗子按後漢書馮行傳機 者毛食臣賢按行集毛字作無 女子而得傳斯亦奇矣謹按此條與前弟 氏女子秦焚書後易惟失說卦三篇得之河内女子 旦謂月出時也 又得書泰誓一篇獻之六經聖人大著作而三經以 は個札記

汝南謝連河内趙建章及臧旻皆為童子郎 陳蕃為樂安守郡人周璆高潔之士惟蕃能致馬特為 功臣侯年表射陽侯劉纏即項伯也賣重瞳而得侯甘 置一 忠於項氏直惡其窘已耳不然則恐臣下之叛已而 伯其刑賞之不平如此余故謂漢主非惡丁公之不 預為之防耶然何足以欺天下後世哉 心改姓而不愧此名教之賊也高祖殺丁公而封項 楊去則縣之是蕃所置有二榻令人只知徐稱

大いとりはたいから 古之奔喪者不定主三年之喪陳重以姊憂去官楊仁 鄭泰曰孔公緒清談高論嘘枯吹生註枯者嘘之使生 宇文義以兄喪去官熊女字君黄以弟服去官幸義 **義正相反今年情家動云吹嘘其誤已久** 思道傳剪拂吹嘘長其光價則此時已沿襲不知矣 生者吹之使枯又淮南子嘔之而生吹之而死二字 構一亭去則縣楊見唐年補錄 矣璆字孟玉义唐王庭凑待駱山人以函丈之禮別 湛图礼記 北史盧

紙字從糸蓋自古書契皆編以竹簡其用練帛者謂之 蔡倫到故布搏抄作紙故其字從巾然倫傳特言用 樹膚麻皮及散布魚網以為紙奏上之天下稱為祭 稱蔡侯紙而紙之所以得名已失其故 用練帛依書長短隨事截之名曰幡紙故其字從糸 麻頭及敞布魚網以為紙元與元年奏上之天下咸 紙則紙直從練帛得名也至於蔡倫乃造意用樹膚 以兄順喪去官 釋名紙古

次是四年全十二 趙壹答皇南規書實皇仁兄昭其懸遲尺續中用仁兄 蔡侯紙用故麻名麻紙穀皮名穀紙故網名網紙則 軍帖嘗將陟釐也此藥為益如君告蓋擣苔為紙用 **陟釐者不知所出偶阅本草藥名陟釐即苔也王右** 紙字之通用多矣或云赫疏書西京雜記稱薄疏則 侯紙則倫紙不但用故布字亦不從巾也又與服志 紙不始於蔡侯也 以為名耳 湛国礼記 紙名側理亦曰側釐近見有用 ļ

唐詩二庭歸望斷陳仲醇不解二庭之語按耿東傳車 謁舍註曰所謂停主人义舍也此居停主人之稱所自 すり せんノニュ 師有前王後王其庭相去五百餘里又范蔚宗單于 掌亭人都無去處名為亭主 最古矣 傳於是匈奴分破始有南北二庭馬謂南北匈奴 釋典譬如有容寄宿孙亭暫止便去終不常住而 )辣書痛宗下慰安單于書即用其語電錯言兵 ž.

钦定四库全書 尽 單于論棄後天公註天公謂天子也前漢書云老禿翁 後漢書南單于論朔易無復匹馬之蹤註匈奴即降朔 證何其紕謬 義明甚易水內地與朔方風馬牛不相及而强為引 方易水更無匈奴匹馬之蹤也按虞書平在朔易其 事書梁商與鴻續書亦用之 乃公即汝公也惇史直筆存其質語也然天公猶言 何為鼠首兩端禿翁即天翁也高祖云幾敗乃公事 温图礼記

蔡茂初在廣漢夢坐大殿極上有三穗禾茂跳取之得 越裳即今雲南光撾司俗呼為撾家 胡安臨邛人相如從受經後盛覽張叔皆從相如學 其中穗輛復失之張子高劾黄次公舉孝廉為第 此廷字則多有之 先上殿註屋之大者古通呼為殿也然殿字僅見於 大道也引充翁益無涉 教核吏曰其憲章朝右間核才職委功曹陳 縣亦稱廷郡亦稱朝後漢王堂

飲定四車全書 後漢書註至鄙機不經如鄭與諸人傳贊中世儒門賈 張禹傳註引東觀記曰禹巡行守舍止大樹下食精音 **憊糗也乾飯屑飲水而已按音憊糗也乾飯屑七字** 准無聞天喪無聞指中山天喪指臨淮也臨淮未為 **種帽匈奴也此是何解光武十王列傳贊中山臨** 鄭名學很馳一分爭禮種軽瘦輕言講帳也而註云 是註乃誤入正文 曹自言位極朝右吳會稽邵疇為郡功 ·湛国礼記 t

晉宋以還將信之人即稱為信限嚣傳却後五年有記 **鼂錯峭刻何比干從學刑名而以仁恕著聞此與李斯** 陳寵曰蕭何草律俱避立春之月而不計天地之正三 註概云二王早終名聞未著豈非囈語劉攽謂南匈 王义春實頗有違此亦三王改月并改時之一証也 2學首即正相反 奴傳註最為淺陋不與前同其實前後疎認非 王而薨無子國除故云若中山享國五十二年矣而 世

欽定四車全書 !! 生而稱諱木學之失然漢宣帝記曰聞古天子之名難 諱者也 祭邑樊惠渠頌曰京兆尹諱陵字德雲後 信人鮑永傳註引東觀記曰遣信人馳至長安 知而易諱也今百姓多上書觸諱以犯罪者朕甚憐 況族姊為皇祖考夫人謁見光武光武大喜曰乃今 來頓此亭姓襲則奉詔之人即稱為詔也 之其更諱詢諸觸諱在令前者赦之此亦是生而稱 得我大舅平大舅今稱舅公 · 選 机 記 信亦稱

宋書謝靈運謂孟顗曰得道應須慧業丈人生天當在 杖策者策杖而行蕭琛少時見王儉著虎皮靴策桃枝 歌曰貽福惠君壽考且寧則是時樊亦未沒也豈漢 靈運前成佛处在靈運後慧業句丈人二字屬下 馬捶與此不同 已有此例耶 曰公勝慮亂也罷朝而立倒杖策鍛上貫順此策是 杖直造儉坐則古人於杖雖少年皆用之矣淮南子

**飲定四庫全書** 王儉孫承字安期與晉王湛子名氏悉同以湛是太原 宋時國學頹廢置總明觀以集學士或謂之東觀置東 觀祭酒一人齊立國學遂廢 宋於王儉宅開學士 得道應須慧業文人卿生天云云義慶宋人當不誤 派故爾若玉鈞子名祥則不可筠亦覽後也 館以總明四部書充之 似沈約誤讀文為丈而下遺一卿字耳 如此則世所謂慧業文人皆誤也劉義慶世說則曰 《温园礼祀

聖朝建都燕山民物日富八九十歲翁敦茂麗碩朝廷 謝方明王志皆遣囚還家一過正月三日一過冬至節 飲食和氣粹如大駕出則雁着黃髮序勾陳環衛問 優之徭役弗事歲時得陞殿上上皇帝壽百官衣朝 見者咸曰樂哉太平之民也此元王士熙張進中墓 退乃陟峻陛承清光歸而娱戲井陌或騎或步更過 情博褐從容暇豫以齒後先門者不敢誰何視百官 服鞠躬以進視班次惟謹母敢越尺寸而諸者老高

次已可華色書 陸倕詩任君本達識張子復清修時謂昉為任君以比 梁侍讀省仍置學士二人劉洽充其選此後侍讀學 管以堅竹毫以触鼠其上王仲謀上黨宋齊彦吳與 之緣始 漢之三君君稱古人本甚重而今則視為泛常矣 観元盛時尊耆老之典亦庶幾上庠下庠之風矣 趙子昂皆與之遊以一筆工而數得持筆以入禁中 表進中居京師亦者老之一也進中字子正善為筆 湛風礼記 Ŧ

自りセノバニ 孔琳之建言傳國之重歷代遞用襲封之印变世相傳 尋討其意私所未達愚請衆官即用一印無煩改作 今世唯尉一職獨用一印至於內外羣官每遷悉改 **贖之制此時尚存非若後世關防之多故其習得相** 偽章日告奸弊百出矣大抵古時文案比今猶省版 實若今日官府文移案牘唯憑印信使一官一印則 來一官軟易一印矣琳之但言其終年刻鑄喪功消 按漢書朱買臣還郡邸中稍見其印綬則知自漢以

韓文公送楊少尹序數息知其賢以否以字自文章正 宗己改為與字其剥啄詩子不引去與為波瀾方松 詔自今臣僚所授印亡没並賜隨葬不即隨葬因而 官皆一印觀林之此疏恐未然 宋史與服志熙寧 沿久而不革也按明初王舞印說古者一官一印居 行用者論如律此或其特恩或因事而賜者 宋制 則佩之罷則解之至晉始惜金銀銅炭之費自是衆 凡官府印皆有銅牌刻文云牌出印入印出牌入

次足马車全書

湛闽礼記

Ī

告諸蠻曰爾郷里作賊如此合死以否詩孑孑干旄 將軍司空椽屬以彦回未拜疑應為吏敬以否高頑 西堂下疏主婦不知視之以否褚淵改授司空驃騎 不知此是晉以後人語儀禮饋食禮主婦視膳變於 卿註云韓文與多作以朱晦庵云今按陸宣公奏議 謂薛道衡曰今段克定江東以否北史秦王幹孫損 亦然如云未審云云以否之類是也然當作與為正 疏诸侯以下旅數少而且短維之以否此類不可勝

**欽定四軍全書** 褚炤譏褚淵名德不昌遂有期頤之壽淵死於齊太祖 余按褚彦回雖輸誠齊主然發其端者王儉也儉淵皆 光之徒久玷史冊寧復可耐耶 晉室而多輸誠於劉裕淵之所為其祖宗貽謀也 徒時計其年纔得四十五歲耳不忠不孝之人人憎 建元四年時年僅四十八炤所云尚在元年淵拜司 述盖以猶與也詩曰不我以 其壽雖在壯盛不啻期順況於老而不死如張禹孔 港国礼記 褚淵先世皆連娟

周 **舅氏追恤國家至於儉傳則史有溢美無抑詞馬豈** 顒深信佛理終日長疏文惠太子問願茶食何味最 夏紫起事必無成公當先備其內耳其言蓋指石頭 其子亦有異論唯何點云淵既世族儉亦國華不賴 連婣宋室門地相若而披猖之罪獨歸一人雖其弟 名者以表劉之死尤為眾所慎也 故劉祥有不殺袁劉安免貧士之論凡淵之獨受惡 以褚曽受明帝顧命乎沈攸之兵起淵謂道成曰西

飲定四車全書 ! 顏之推奏請立關市邸店之稅以說後主其人歷仕五 古人所謂避諱者避其先人之名也記云婦諱不出門 味何耶 **韭為五辛葷穢不用而顧終日長疏乃稱為菜中** 勝顒曰春初早韭秋末晚松世傳為佳話然道家以 朝蓋能言而行事無足取者 呼明皆是也而令人轍云避其家諱不知古人用字 周宏正避侯景諱改姓姬氏焦度曰汝知我諱明而 港围礼記 舌

顧歡早孤讀詩至哀哀父母軟執書動泣由是受學者 李延壽陰子春論曰子春戰乃先鳴幽通有助幽通有 廢敦我篇不復講馬此事與王偉元絕類 猪故琳戰艦以干數皆以野猪名移王琳之事以贊 傳王琳將張平宅東一艦每將戰勝艦乃有聲如野 子春史家乃有此謬 助指石鹿山蛇神事戰乃先鳴者傳竟無事蹟獨同 之意矣若俗人生而稱諱更不必論 次足马平 白雪 齊武帝云學士輩不堪經國唯大讀書耳經國一劉係 南朝釋子皆稱道人黃冠則稱道士顧歡傳張翮作門 宗足矣沈約王融數百人於事何用此大字是多字 道人與道士辨是非又紀僧真傳宋時道人楊法持 律云道之與佛遙極無二吾見道士與道人戰儒墨 **巗慧義道人是也然晉書吕光戲鳩摩羅什巨道士** 昇明中以為僧正夷貊傳宋世名僧有道生道人慧 之操不踰先父則僧亦問稱道士矣 洪图扎記

金りセル ノニー 高允伯恭以昔歲同做零落將盡感逝懷人作徵士頌 南北朝最重表親盧懷仁撰中表質錄二十卷高該造 崔休曰此公家舊事也此事字是物字義 推亦後世敦厚同年之意也 表親譜錄四十餘卷此風至唐猶存 想解帶舒懷此欣猶昨存亡奄垂靜言思之中心尤 合三十四人其頌末曰昔因朝命與之克諧披於散 義孝文曾閱故府得舊冠題曰南部尚書崔逞製謂 東漢同舉者謂之同

次定四軍上等 图 李士謙傳曰諡子士謙而李孝伯名下註云李諡弟 鄭子翻字靈雀少有器識好文章齊武平末位司徒記 副所聞然風神嚴發無貴賤成故服之楊素聞其名 室祭軍尋過齊亡歷周隋遂不仕隱居滎陽三窟山 歲生見李固傳 欽其高名皆謂有異狀觀者如堵乃見形貌短陋不 傲誕不自羈束或有所造乘驢衣韀破帽而往遠近 士謙誤増一弟字 湛圆礼記 Ī

重雖隨主受周爵而始終仕梁此儒生之最有氣節 蕭歸拜重散騎常侍太常柳開皇三年卒年八十四 類淵明南北朝數百年不事二君者唯此兩人而己 朝廷累徵不至終於家余謂北朝革命之際無 因使過滎陽迎與相見言談彌日深加禮重及歸言 经明行修致書禮聘授露門博士後表請還深深主 有沈重仕梁魏平江陵乃留仕蕭啓周武帝以重 姓終者獨子翻怡然風塵之表觀其風致

重りピスノニー

火足四年至書 芳表周之師氏居武即虎門左今之祭酒則周之師氏 洛陽記國子學官與天子宫對太學在開陽門外按學 亡亦竟不仕周開皇七年刺史章藝固薦之不得已 者重武康人又有魏長賢仕齊為上黨屯留令辭疾 應命此亦稍得出處之正者也彦謙玄齡父 本鄉丘園自養頻被徵命固解以疾其兄子彦謙齊 固以疾解卒年七十四即徵之父也房豹齊滅遂還 去職終齊代不復出仕周武平齊蒐揚才俊辟書屢降 湛围礼記 ŧ

常頭述六經界註以廣制作甚有條貫其曰仁義者人 全ラピカノニ 李延壽崔鴻傳云鴻二世事江左故不錄僭晉劉蕭之 **肄經典二十餘年時號為儒林先生** 之性也經典者身之文也仁義人性一句已發程朱 之與與教授門徒七百餘人不事王侯獨守閒静講 言國學在内太學在外明矣 保以教使國子學馬外則有太學庠序之官由斯而 記云古之王者建國君民教學為先鄭註內則設師

火足马車 公書 慕容儼守郢州城中先有神祠一所俗號城隍神此城 高洋天保末敬信佛法乃至宗廟不血食皆高元海所 為乃知以麪為犧牲使祖宗不血食非獨梁武帝為 書延壽唐人而予魏抑晉誣妄如此蓋以世為魏臣 隍神始見史傳者後梁武陵王紀祭城隍神有亦蛇 然時南北成風相習為固然耳 之異見隋書五行志 堪国礼記 主

金グピルノニニ 常山郡境有董卓祠祠有柏树魏蘭根故刺史請伐為 蘇綽始為文案程式朱出墨入至今沿之 温子昇為伏波將軍 古人多省文稱明日单用明字甚多北史外戚杜超傳 周李孝軌封奇章公隋牛弘封奇章公 者古祭典有厲此類是也 元凶劭 拜神為驃騎將軍神即蘇峻蓋三人皆殭死 椰秦中有二世祠常山有董卓祠金陵有蘇侯神宋

久臣可与上山 徐遵明與劉獻之張吾貴皆河北教授懸納絲栗留衣 齊氏胄子以通經入仕者唯博陵崔子發廣陵宋游柳 而 服以待之名曰影質教學之陋自古已然矣 明月也 是也左氏其明月子産立公孫洩云云是來月亦稱 與洞庭猶之稱去年單稱去字羊欣書得去六月告 明當入謝齊宣慈太后令明可臨軒唐詩明到湘山 湛园礼記 Ĺ

覽冥訓西南方曰編駒之山曰白門注西南月建在申 金りでんとこう 藝士傳徐之才常與朝士出遊遙望羣大競走諸人請 淮南子曰斮才士之脛註剖解有才士脚觀其有奇異 金氟之始也故曰白門以金陵為白門本此 與尚書異 李斯東走為負帝女南祖此段復見之序傳是温子 令試目之之才即應聲云為是宋鹊為是韓盧為逐 **丁神儁語當時傳聞之訛亦失於檢正** 

孫叔敖日有寢丘者其地掬石而名醜註今汝南固始 韓非子宋人有嫁子者云云其子竊而藏之君公知其 淮南子氾論訓直躬其父攘羊而子證之尾生與婦 曰儿公 春秋 期而死之是徑以直躬為人名矣然此說本於吕氏 盗也逐而去之君公其舅之稱歟故婦人謂夫之兄 縣前有垢谷後有庄丘梁范柏年曰梁州唯有文川

次至四事全書

湛围礼記

Ŧ

董徵遷安州刺史因述職路次過家置酒高會乃言曰 蹇它鄭人弦高之黨 按古博士亦作伴讀之稱劉畫以宋世良家有書五千 祭皆是老生陋態遺唯干古 武鄉 康泉讓水垢谷庄丘正可與廉泉讓水作對 卷求為其子博士晉孝武使徐邀授太子經曰雖未 此义富贵非自天降乃勤學所致耳與桓榮稽古之 腰龜返國昔人稱榮仗節還家云胡不樂誠子弟曰

**以定四車全書** 顏師古註匡衡傳辨匡則白謂衡與人書不宜自稱其 顏之推齊末為平原太守後人但稱魯公為顏平原 張景仁善草隸侍中封王自蒼頡以來八體取進 字 而已 微 勅以師禮相待亦不以博士相遇也晉宋以來多使 (傳敬肅字敬儉以姓為字古所未聞或本文行敬 教授號為博士故帝有云 湛圆扎孔

由吾道祭善洞視蕭軌之敗言之如目見蓋即道家之 王摩詰遊感化寺詩雁王街果獻鹿女踏花行劉須溪 遊祖濬順字以此答王更不可解 村人韓文秀見鹿生一女因收養之及長令為女道 所謂出神也 士武帝為立觀號曰鹿娘又海陵天目有五色鹿産 云若用禮記鹿女好按述異記真山在毗陵梁時有 字然魏崔順與豫章王書曰祖濬與南聲客河朔 **议定四单全書** 齊張彫虎隋韓擒虎皆複名史避諱於韓則稱擒而去 陰壽子世師以不從義師見誅而北史贊云陰壽遭天 幾不知其原名矣文苑傳序稱常侍張彫與韓擒 庵至七歳為築鹿女臺居之冶飛昇後女南渡履江 所廢舍命無改壽當作世師 **虎字於張則改為武然韓擒名著史籍彫虎非齊書** 水而去王詩當用此何至引羅氏之說耶 女於山左真人王治往觀之見鹿乳馬乃挈養於 .湛图礼記

與 周 晉正旦元會於殿庭設樽蓋上施白獸若有能獻直言 疏 禮鄭註鄭白漢時蕭何所封南陽地名都按此音在 **配食以酒配為餅者配粥也以酒配為餅若今起膠** 何反則非蕭何所封鄼邑 服志由基一行蓋因善射為名者 者則發此樽白獸樽乃杜舉之遺制也 例於此猶可會意幹擒一作禽情 餠起膠猶今言發膠 書

1/A. 10:01 /. Lin 儀禮喪服傳曰娣如婦者弟長也何以小功也以為相 長是其年長假今弟妻年大稱之日如兄妻年小稱 者為娣故云娣弟是其年幼也年大者為姒故云姒 為娣婦娣婦謂長婦為姒婦疏據二婦互稱謂年小 與居室中則生小功之親馬註據爾雅長婦謂稱婦 禮婦人之坐以夫之齒坐既依夫之齒為上下則稱 之日娣是以左傳云云穆姜云吾不以妾為姒是據 婦年大小為娣如不據夫年為大小之事也 港国礼記 丰

金片四月全書 姑之子註外兄弟也舅义子註内兄弟也疏云内兄弟 言不順則事不成兄弟之間必有不相安者矣移姜 自當依夫之齒為大小若以年之大小為娣如互稱 弟之妻相謂為姒言其相謂皆舉長者之稱稱之所 則分大小散文則娣亦可稱姒耳 賈鄭杜皆云兄 與叔向之嫂之言或古者娣姒可通稱或娣姒相對 將弟婦坐於長婦之上可乎所謂名不正則言不順 以為讓也豈稱謂之實然哉

尊於尸東玄酒在西疏曰玄酒在西尚之凡酒酌者居 ファラニ ノ・エラ 為夫之從父昆弟之妻傳曰何以怨也以為相與同室 男之子當謂姑之子曰外兄弟而令人皆稱其妻之 則生總之親馬疏曰言同室者直是合同未必安坐言 兄弟曰内兄弟其俚謬甚矣 者對姑之子按此則姑之子當謂舅之子曰內兄弟 曰同室 居者非直舍同又是安坐按親娣如曰居室堂娣姒 谯周扎孔

李左車十四世孫恢字仲與漢桓靈問高尚不仕號有 金龙四月全書 註堂室謂指前若今令號被也疏漢時名堂塗為令號 齊高元榮學尚有文才長於几案又薛慶之頗有學 被令甓則今之磚也令音零被音階 道丈夫 間解几案几案恐是案贖解 用之貴重與玄酒等 左左為上尊漢書上尊酒宜主此解上尊酒醇酿其

און אינו אינו אינו און 古事人多相沿誤用高唐之夢楚襄王也而曰宋玉百一 琶馬上作樂以慰其道路之思其送明君亦公爾也 者反曰捉刀人石崇明君詞叙昔公主嫁烏孫令琵 琶自是烏孫公主事而所謂昭君琵琶者特李倫之 其造新曲多哀怨之音故叙之於紙云爾觀此則琵 德對客而孟德捉刀立其旁則崔假也而今稱假倩 尺樓劉玄德自擬也而曰陳元龍崔季圭偽為曹孟 擬作耳令人反以昭君為故實於烏孫之載在漢書 漢國礼記

金月四月 全量 港園礼記卷 誅實為文王拘幽操也 者反置不用矣是何異以退之之天王明聖臣罪當

欽定四庫全書

湛園礼記卷二

詳校官中書臣王 鵬

員外郎臣牛稔文覆勘

校對官主事 臣陳文極總校官進士臣朱 鈴 謄録監生 節世後

端陽前五日俱可稱端文山以五月初二日生稱此日 欠已日年亡与 制状元二月後率接下上指關謝思謂之門謝授承 1.50mm - Alto (1990) 九間之 翰林院編修姜辰英撰 鄉 公共人名古 文魁亦曰魁彦見文文山集 湛国礼記 判官願公事至後一 秘書省正字名曰對花台 一科放進士

金りでんとう 中聖之言出於魏之酒人鄒陽酒賦清者聖明濁者頑 唐語林縣駿者度支司書手書手之名始見於此 張横渠調通書如時盤試兒百物具在顧取者何如耳 為端二 年夜詩曰江鄉正小年 試其志向也 **晬盤顏之推家傳謂之試兒雜陳百物任兒所取以 馬巴肝出上語作去聲讀者** 十二月二十四日謂小年文山詩註云小 卷二

次定四車全書 一 中黄之義見於載籍者不一曹植寶刀賦鑒以中黄之 謂中道也張說序歷蓋中黃之實符大紫之神器意 壤謂中州黄土也成公綏天地賦義和正轡於中黄 與成公相近張衡南都賦中黃穀玉註引博物志謂 山銘有中黄之素女對上西華之紫妃則亦指其所 間黃色也赭白馬賦效足中黃謂中營也楊炯少室 也見尸子潘岳籍田賦中黃瞻以發揮兮謂車旗中 石中子黄石脂也南都賦中黄之士則中黄伯勇士 温温机

有じてし 西京雜記李廣見臥虎馬射之一矢即斃斷其觸襲以 沈 約安陸昭王碑南陽葦杖未足比其仁葦杖以代蒲 孫作字大雅以字行一字次知豆腐詩序我乳本漢淮 鞭可與宋子京篠縣作對 詩拭盤堆連展洗釜煮黎祁自註連展淮人以名麥 南王所作其名不雅余為改今名因賦是詩陸放翁 居之山也 餅黎祁蜀名豆腐

次定四車全書 應璩百一詩八卷又李變百一詩二卷 傅介子年十四好學書當棄觚而嘆曰丈夫當立功絕 趙煜吳越春秋十二卷楊方吳越春秋削繁五卷皇甫 文帝為太子立思賢苑以招賓客中有堂皇六所按漢 書胡建傳堂皇乃射堂無四壁者當與此不同 遵吳越春秋傳十卷 域何能坐事散儒棄觚與班生投筆相類 為枕鑄銅象其形為溲器此即虎子之名所緣始乎 . 湛围礼記

公孫聖伏地而泣其妻大君從旁接而起之大君細君 大唐宣政殿周之中朝也是謂正衙紫宸殿直其北是 王子晉之笙其制象鳳形亦名參差竹九歌吹參差兮 誰思王元長曲水詩序發祭差於王子皆言笙李善註 謂周無三朝路寢之制猶之晉唐入閣之制也明朝 謂上閣蓋晉自太極殿有東西閣天子間以聽政余 皆以名妻亦閨問佳話 則謂洞簫

かいとりいったという **唐裴坦傳令狐綯薦坦知制誥裴休持不可不能奪故** 聖節冬至大朝會則奉天殿即古之正朝常朝則奉 而坐坦見休重她謝休哪然曰此令狐丞相之舉休 事舍人初詣省視事四丞相送之施一榻堂上壓角 楊榮輩日侍左右奏對其中較之於古總稱便殿實 路寢之遺制洪武初如宋濂劉基永樂問如楊士奇 天門即古之外朝而内朝獨缺然華蓋謹身等殿亦 未嘗以此為内朝也 洪国礼記

不多り ロガ イコー 劉越石答盧諶詩叙然後知明周之為虛誕嗣宗之為 唐 書百官志起居即二人從六品掌錄天子起居法度 妄作蘭亭叙竟用此語古人之不嫌祖述如此然晉 紫褥於庭面北拜廳問長立褥之東北隅謂之壓角 宋丞相作掖垣叢志亦不解其事未知何者為是 談發事宜其有味於此言也 何力顧左右索肩輿出宋次道乃曰舍人上事必設 祖尚元虚而越石獨喜建功業逸少亦戒安石清

直第二螭首和墨濡筆甘即幼處時號螭頭妝婦 見之為是盖仗在紫宸內閣則夾香案分立殿前當在此處盖仗在紫宸內閣則夾香案分立殿 侍左右乗筆隨宰相入段者也而歐陽公誤叙之於 兼知起居注或知起居事每仗下議政事起居郎 天子御正殿則即居左舍人居右有命俯陛以聽退 而書之李終以授史官貞觀初以給事中諫議大夫 可事人生 以納頭為翰林故事則谬矣高宗雖掌起居注而竟以納頭為翰林故事則谬矣高宗人事也時翰林未設起居初不隸翰林今翰林高宗 入執筆記錄於前史官隨之其後復置起居舍人分

金グセガオニュ 官然率推美讓善非其實未幾亦罷而起居即猶因 職唯編書詔不及他事復詔史官非供奉者皆隨仗 議仗下後宰相一人錄軍國政要為時政紀月送史 而入位於起居即舍人之次及李林甫專權又廢太 制動稍稍筆削以廣國史之缺起居舍人本記言之 臨朝不决事有所奏唯解見而已許敬宗李義府為 下與百官皆出不復聞幾務矣長壽中宰相姚璹建 相奏請多畏人之知也命起居郎舍人對仗承旨仗

武德四年置修文館於門下省九年改為弘文館貞觀 德後五品以上子曰學士六品以上曰直學士又有 貞觀故事 館主按此即明永樂二年選進士年少者為庶吉士 文學直館皆他官領之垂拱後以宰相兼領館務號 和九年詔入問日起居郎舍人具紙筆立螭頭下復 館習書出禁中書法以授之其後又置講經博士武 九年詔京官職事五品以下子嗜書者二十四人 人隷

次正四重主書

湛图礼記

崔女曜母誠女曜曰吾聞姨兄辛玄馭云子姓仕宦有 年ラセカノニュ 海南多穀紙蕭做勅諸子繕補殘書子廩諫曰州距京 新書 消息惡消息宋改之不成語朱子小學引此段不用 師且萬里得無薏苡嫌乎做善之乃止漢吳祐諫父 言其貧實不自存此善也若對貧盈行惡也本云好 寫書曰此書成載之兼兩懼以意以蒙謗兩兒識見 之意而所謂學士館主者即今之教習之官也

在融傳朝廷大筆多手勅委之手字當在大字下大手 次定四軍全書 **瑯琊王沖坐逆誅魏州人告尉顏餘慶預謀令來俊臣** 畧同 餘慶為沖督償通書合謀明甚非曰支黨請誅死籍 也張昌宗誣陷而得賢者為之昭雪亦幸矣哉 其家賴徐有功力爭得免元忠諂附女主自同酷吏 鞫治以反狀闻有司援赦文當流侍御史魏元忠謂 其討徐敬業曰國之安危在此一舉蓋全無心肝者 湛闽礼記

筆本出晉書王珣傳珣夢人以大筆如椽與之既覺 蓋六朝至唐皆以詩為詩以文為筆大手筆者謂高 日此當有大手筆事俄武帝崩哀冊諡議皆珣所草 文典冊大文字也後謂燕許大手筆則似竟為宗匠 傳兼掌皇子問箋記及一時大手筆獨倚潤甫馬此 陸瓊傳諸大手筆中勅付瓊王稱東都事略鄧潤甫 翰樊川文集叙曰大手短章大手謂長文字也陳書 义稱景文疑之而因去手字為大筆殊不成語裴延

次定四重工書 李沁傳述德宗不信陰陽巫祝乃云及桑道茂城奉天 張說傳帝始欲授說大學士解曰學士本無大稱中宗 讓而止 事驗始尚時日拘忌因進用泌泌亦自有所建明何 為得之 張說固辭乃以學士知院事至崔圓又加亦引沁為 崇寵大臣乃有之臣不敢以為稱固辭乃免後李泌 加集賢殿崇文館學士建言學士加大始中宗時及 湛固礼記

本意原不欲仕力求還山以德宗之堅留而後執政 肅代時未及相遂疑二主不以宰相罷之豈知鄴侯 其諫肅宗欲廢太子事反覆数百言關宗社大計而 惡矣至引柴村為喻而豈借道茂之術以進身者哉 當然力陳君相造命不當言命言命則不復當善罰 其輕泌之甚也泌嘗因帝言桑道茂城奉天事云命 乎留侯託於神仙之遊從來豪傑以此自晦乃欲以 切刪去其無所取裁而好為異議如此 **贊語因** 

次足四事人工書 韓文公孔戣墓銘嶺南以口為貨其荒阻處父子相縛 言於官而私當之以其蓄取為奴故殺之非過唐書 為奴公一禁之有隨公吏得無名兒蓄不言官有訟 棄兒而收蓄之仁心善事也反當之以死是雖商鞅 者公召殺之按無名兒即所謂相縛為奴者故不敢 之令不酷於此何反以為美耶不善為文又不欲蹈 乃云親吏得嬰兒於道收育之戣論以死夫得道上 蚍蜉之見妄議大賢多見其不知量也 湛围礼祀

華州刺史孔戣奏罷明州貢海味淡采蚶蠣而元稹傳 金りでし ノニ 楊嗣復遷禮部員外即時於陵為户部侍郎嗣復避 襲前人 省換他官有詔同司親大功以上非聯判的檢官長 復云明州歲貢蚶役郵子萬人稹奏罷之豈效奏後 公其用心之私能顛倒是非也 **皆弗避官同職異雖父子兄弟無嫌按百官志六尚** 巴停而復貢耶抑獨貢蚶之例未停耶元事本白 下筆間遂變曾史為盗賊史筆之可畏不 銘 樂 同

次正日十十十十日 後漢南蠻傳哀牢夷知涤采文繡罽疑白疊注外國傳 書兵吏部為前行刑户部為中行禮工部為後行行 草名白疊摘花可織為布則白疊是草西南夷皆有 之恐亦是今木棉之類 避 得以諸行郎官判錢穀故嗣復雖禮部亦以嫌而引 總四司以本行為頭司餘為子司而户部之制其後 日諸海國女子織作白疊花布唐書西域高昌傳有 湛图礼記 又南蠻傳婆利以吉貝横

摩揭它國傳太宗遣使取熬糖法語揚州取蔗作潘如 金りせんノニ 後漢中平六年表紹勒兵收諸閥人無少長皆斬之 吐谷渾傳君集道宗行空荒之二千里閱月次星宿川 達柏海上望石山覽觀河源按此則星宿海之為河 為糖其法始於佛氏然吳志孫休傳已有甘蔗楊矣 源唐時已有識之者矣 其劑色味愈西域逐甚此則中國用糖之始以諸蔗 幅綠於腰吉貝草也解其花為布粗曰貝精曰氈 凑

次足马車在馬 禁門機事頗露由是王九乃奏侍中黄門不得出入 帝立初今侍中給事黄門侍郎員各六人賜公卿以 乎其後曹操欲廢伏后以尚書令華歆副都處勒兵 后曰先帝新棄天下奈何令我楚楚與士人相對事 於殿上獻帝起居注曰自誅黄門後侍中侍郎出入 下至黄門侍郎家一人為郎以補宦官所領諸署侍 不通賓客自此始也初何進與表紹定謀告太后太 入宫收后歆牵后於壁中執之出使此時各中官守 湛图礼記

者省事左右小黄門五人才致開雅者給事殿中以 策宜罷退宦官去其權重裁置常侍二人方直有德 禦宫禁此輩雖跋扈安能排閮竟入耶故弊去太甚 天子之左右而僅留官官七人為之使令斯巴難矣 而己盡除宦官改用士人古無是理也又按李固對 自乳其子此當民之家所不能者也矯枉過甚豈可 固又言兼採微賤宜子之人進御至尊若有皇子母 自乳養無委保妄醫巫以致飛燕之禍欲天子妃嬪

金クセカノニュ

次定四年人書 蜀志諸葛瞻為翰林中郎將以翰林名官始見於此 詩言兄弟曰如損如熊樂志曰如損為宮而熊之徵和 李躺答王載言論文書曰假令述笑晒之狀曰莞爾則 言之矣曰道爾則班固言之矣曰雖然則左思言之 行乎 塤為商而篪之羽和蓋他音一音各為一節獨塤篪 論語言之矣曰啞啞則易言之矣曰粲然則穀梁子 矣冁然而笑見莊子左思襲莊李乃誤引 湛图机把

亦精矣 聲十二律始於黃鐘終於應鐘者其竅盡合則為黃 不抑而五聲和蓋取其相配以為和也古人之取義 瑟配之用中琴必以小瑟配之然後大者不陵細者 禮明堂位有大琴大瑟中琴小瑟凡用大琴必以大 取聲相同者唯填篪為然填篪者六孔而以五竅 二音同為 八音孰不同樂必以填篪為况嘗博詢其音蓋八音 宋史樂志釋詩者以損篪異器而同樂然 節和之至也按詩比妻子曰如鼓瑟琴 取

有りてん

次已日東白書 洪範五福六極無貴賤蓋古無不肖而貴亦無有德而 爾雅曰徒鼓瑟謂之步蓋以其無章曲如行者之舍車 謂之和亦與和歌之義相反 而步也令人作詩次人之韻亦曰步於義為反而猶 則雅瑟頌瑟實為之配亦取琴瑟相合之義 按古者大琴則有大瑟中琴則有中瑟有雅琴頌琴 鍾其竅盡開則為應鍾餘樂不然故惟均篪相應又 不失自謙之意亦如無章曲者然 湛 图扎部 爾雅又曰徒

自グビ 賤者貴則禄及之而富矣故當可以概貴賤則禄 功欲殊顯之雖為上將軍列侯猶欲令歷本州舉 從行吏皆得奉贄私觀其重舉主如此後權嘉陸 每進見權常親迎執版交拜饗宴贈賜恩敬特隆至 及而貧矣故貧可以概賤問禮八 以取其富六日奪以取其貧是也 使揚州牧日範就辟別駕從事舉茂 **丁五吳郡太守朱治舉為孝廉及為吳王治每** 柄馭羣臣二曰禄 此即後世 命

次是四年人生 宋文帝時員外散騎侍郎孔熙先與范尉宗謀逆事路 吳孟宗為孫琳告廟發吳主亮李密降魏謂蜀為偽朝 朝官賜出身之意科目之重相沿久矣 我負卿也又責前吏部尚書何尚之曰使孔熙先年 勉之曰以御之才而滯於集書省理應有異志此乃 付廷尉熙先望風吐款辭氣不撓上奇其才遣人慰 淑媛未必烈女殆是天地問一欠事 王祥雖不拜司馬而終事二姓自古孝子未必忠臣 湛阁礼記

裲襠本作兩當衫薛安都戰唯著絳衲兩當衫前當心 請制馬都尉皆集書省職也 放王偉却不可同年而語 過也皆綽有帝王之度足令才士心死若深元帝欲 將三十作散騎郎那不作賊此與唐武后之見縣賓 後當背也 也蕭子顯曰自散騎侍即及通直員外給事中奉朝 王討已檄文曰有才如此而使之淪落不偶宰相之 按散騎常侍集書省官

沙王四事全十 杜 劉裕賜王鎮惡爵漢壽了 王導倚敦殺周顗戴淵與之同逆後錢鳳再舉犯關導 沈慶之議北伐曰今欲伐國而與白面書生謀之事 預朝野稱美曰杜武庫又周弼謂裴頹若武庫五兵 縱横又裝楷目鍾會如觀武庫森森但見矛戟 由齊後斥顏峻曰今舉大事而黃頭小兒皆得然預 縣東四十里 何得不敗白面黄頭恰可相對 淇園礼記 漢壽縣發在常德府治武陵 何

五代史志後魏每攻戰克捷欲天下聞知乃書帛建於 竿上名曰露布此露布所從始太和中韓顯宗戰勝 至新野文帝謂顯宗曰卿破賊斬將殊益軍勢朕方 書法討之導亦何辭 也至是不覺情見乎辭矣使有春秋之筆以趙盾之 攻堅城何為不作露布是也 之徒心思外濟然則敦之攻陷石頭蓋亦導之本懷 與王含書目昔者佞臣亂朝指刀協 魏主稱傅永上馬能 人懷不寧如尊

次定四事全書 望楚山在襄陽府南八里本名馬鞍山山麓與峴山接 馬陸希道為露板嫌其不精命傅永改之永不增文 擊賊下馬作露板唯傅修期耳後元英破義陽使 觀之則露板自有體要亦當時所甚重也 而望楚之名人無得而稱馬 望見鄢城故名同一山也峴以叔子遊賞至今名重 所謂馬鞍山道也水經注曰劉宋武陵王駿屢登陟 米直為之陳列軍事處置形要而已英深賞之以此 湛州礼記

有りょし 漢文翁作講堂立石室一曰玉堂黃圖有大玉堂小玉 五馬相傳不同潘子真詩話天子六馬左右縣三公九 増 時五馬參差於庭故時人呼太守為五馬 馬而已其有加秩中二千石乃右縣故以五馬為太 堂 守美稱遯齊閒覽及學林云漢時朝臣出使為太守 卿駟馬右騑漢制九卿則中二千石亦右騑太守駟 馬宋人五色線集北齊柳元伯五子同時領 卷二

次至四車全書 明 方言華考也宋齊之間或謂之華或謂之考考音誇莊 世傳杜鵑為皇帝之 大唐宣政殿周之中朝也是謂正衙紫宸殿直其北是 謂上 **子規烏鳴也此說煩雅馴** 於開明升西山隱馬時適二月子規鳥鳴故蜀人 义名始於此 丁黄考註失引 一問蓋晉自太極殿有東西問天子問以聽政問 / 魂語頗不經華陽國志曰帝禪位 湛固扎記 悲

有りし 康王之 貢師泰重修定水教忠報德禅寺之碑云距慈谿縣四 梅常禪師開化之地所藏大藏經乃唐人所書吏部 明初書傳會選亦未能改正 其實正名外朝在雉門之内庫門之外蔡氏旣誤而 之外此曰治朝以對路寢庭之朝而言故亦曰外朝 則應門之內蓋內朝所在也不知應門之內即路門 十五里鳴鶴山之陽橐駝奉之東有寺曰定水為大 )誥註引鄭氏曰周禮五門云云外朝在路門

次足四車全書 阿 楊太真常以假髻為首飾而好服黄絹諺曰義髻拋河 商容鄭氏曰商家樂官知禮容所以禮署稱容臺按儒 裏黃妃逐水流按義髻即假髻猶假兒謂義兒也 為頌者由徐氏容臺之名當本此鄭箋多附會 经亦不知毁於何時 林傳會徐生善為頌容文時以頌為禮官大夫傳 侍郎京兆韓耔材為之記令吾邑志不載此段大藏 子至孫延襄襄亦以頌為大夫至廣陵內史諸言禮 湛樹礼記

**摯處文章流別集三十卷此選文之祖也宋元嘉宴集** 漢中王瑀聞康崑崙奏琵琶曰琵聲多琵聲少是未可 肅宗與李泌談建寧王事曰事已爾末奈何末奈何此 詩集二卷此玉臺新咏之所祖也于寶百志詩集五 鼓曰琶 彈五十四絃大絃也樂家以自下逆鼓曰琵自上順 卷崔光百國集詩二十九卷此選諸家詩之祖也 遊山詩五卷此宴會遊賞詩集之所祖也顏峻婦

飲定四車全書 19 魚朝恩傳大臣子弟二百人朱紫雜然為附學生 貞觀四年使唐儉縣傳往誘突厥使歸款頡利許之兵 據史所載唐自代宗而下公主無再嫁者至宣宗遂詔 懈弛李靖因襲破之儉脫身歸此與韓信破齊相類 但儉幸不為雕生耳韓李皆一代飛將而以不義取 勝足玷史冊 天婦教化之端其公主縣主有子而寡不得再嫁 今俗語せ 惧机把 十九

環 兩 西 :頭蠻吐蕃幾南語今諺猶用之 即古林邑有鳥名結遼愚意即秦吉了 域沉婆羅專遣使人 十九十日髦七年曰悼先太常謂當是八十曰髦九 學之期稱之 同稱曰髦而於中忽揮以七年曰悼且七年正近幼 次太宗時當增廣生員 **丁曰悼某按據文每十年** )以悼何其不祥耶况九節俱是成 <<br >人獻波稜酢菜揮提葱 × 一變稱無緣於八十九

次至四重全書 图 疏天子春夏受朝宗則無迎法受享則有之故大行 郊特牲云覲禮天子不下堂而見諸侯明冬遇依秋 嫌有等也若秋冬覲遇一受之於廟則亦無迎法故 公自諸侯而下隨之而入更不別迎據熊義朝無迎 并朝享皆廟受之殺氣質也朝禮升朝之時王但迎 也春朝受主王於朝受庭實於廟生氣文也秋觀 云廟中將幣三享鄭云朝先享不言朝者朝正禮不 七年之為九十無疑而上句九十二字宜刪矣 湛园扎記

御食於君所器之溉者不寫其餘皆寫註寫者傳己 伯魚之母死期而猶哭孔子曰誰與哭者鄭註與音餘 見之時也 中乃食之也吾鄉俗以斟酒為寫酒蓋亦有所本云 先問誰與後云哭者倒裝文法恰似驚問情狀 法唯享有迎按禮器稱夷王下堂見諸侯為失禮是 謂以水沃益曰與余鄉亦至今猶然崇傳以始與釜與音與胡氏註明台 指覲禮若朝宗行享禮天子於諸侯固有下堂而 器

次足四重人工書 幼名冠字五十以伯仲死諡周道也疏冠字者人年 正義鄭註淮南子云舜征三苗而遂死蒼梧按尚書竄 處每以意揣此不足據也 疑山是為得之非征有苗而死也鄭氏解經於難通 舜踐帝位三十九年南巡狩崩於蒼梧之野葬於九 逸答巢氏問云初竄西裔後分之在南野思按書稱 舜舞干羽而有苗格矣安得復有征苗之事史記云 三苗于三危在西裔令舜征三苗乃死於蒼梧者張 温围礼記

公叔文子升於瑕丘遂伯玉從文子曰樂哉斯丘也死 負気を万 くここ 而言此即鄭所五十之時直呼伯仲耳按此則今世 此言五十以伯仲者二十之時雖云伯仲皆配某甫 别之至死而加益又曰士冠禮已有伯某甫仲叔季 十有為人父之道朋友等類不可復呼其名故冠而 俗之於某字配以老與翁字者施之於五十以上之 加字年至五十者文轉尊又捨其二十之字直以伯仲 人猶為不失古意而突而弁兮概以稱之何也

大八日年 八十 惡疾無子婦人之不幸義雖當去獨無可以善處之法 **詼諧而意甚切直殆可謂之婉而多風** 葬此地則人誰不樂此者吾請前死以葬之 乎禮注姆婦人五十無子出而不復嫁能以婦道教 其將欲奪人之地自為身後計而譏之若是則其奸 無明解劉氏曰吾子樂此則我請前行以去子矣惡 則我欲葬馬伯玉曰吾子樂之則暖請前此段文疏 )甚猶得謂之長於諷諭乎蓋其微詞猶云吾子欲 湛固礼記 Ŧ /矣語似

金号电压石 得已者也淫與竊盗雖更三年之喪馬得不去况前 所安余讀商陵穆子之操而悲之知古人其亦有不 貧賤後富貴乎古無生而富貴者故有士冠禮無諸 賢婦同處三十年既老而出之聽其為人乳母非義 侯冠禮士四十强仕始受禄有采地前此皆貧賤之 日也然未仕則有分田以自給藝成行立書於州黨 則取於上者有必得之理故其貧賤也不必戚而其 者若今時乳母矣夫能以婦道教人是為賢婦與

次已四車主書 曾子問婚禮既納幣一條曰壻已葬壻之伯父致命曰 富貴也不足驚今曰前貧賤後富貴是徒習見夫蘇 秦朱買臣之屬縣得意於困阨日久之餘所以誇雅 取而後嫁之禮也女之父母死壻亦如之辨之曰父 許諾而弗敢嫁禮也壻免喪女之父母使人請壻弗 某之子有父母之喪不得嗣為兄弟使某致命女氏 其妻子者而不知先王之世無是也戴記七去三不 去之說皆不足信 湛圆礼記

嗣為兄弟者既三年免喪矣然且弗取馬其諸非父 記日女未許嫁年二十方笄熊則髮首髮首者猶以 無所取爾也禮女子許嫁笄而施纓所以明繫屬於 母死婚禮不行禮也待之三年而弗敢嫁乃所以求 母之喪故耶不然可以嗣為兄弟矣而復弗取於義 而復止髮首與不髮首與不髮首則異乎其未許嫁 少者禮處之也許嫁之於禮若是乎其重也今許嫁 之義雖未當共年合登己有相為夫婦之道馬雜

毀之防也再聞之也昏禮納采問名納吉納徵請期 立夫婦之義一與之齊終身弗改矣豈其未嫁而先 辱莫大馬先王之制為婚禮也所以成男女之別而 喪既遲之三年矣使復許嫁一人而壻之父母死或 也髮首則如之何成人而復少之也壻免喪與女免 之年無乃逾之已遠乎且一女子也偃蹇數夫之間 改字以聽之不可知之三年之喪於古者二十而嫁 女之父母死将必復遲之三年遲之三年又不免於

大い可見 ことう

湛围札記

金分巴居在章 皆主人聽命於廟而後行事所以敬慎重正昏禮也 聞之内則曰女子十有五年而笄二十而嫁有故則 輕也吾意此非夫子之言記者之過也然則如何吾 重之祖宗之命矣固不可以亟取而亟辭之若是其 嫁與二十而嫁同文故知非壻弗取而攺嫁也是為 母之喪而言除喪三年適二十三年矣二十三年而 今既納幣有吉日矣是巴嘗納采問名納吉於廟而 二十三而嫁此有故者明是指女遭父母及壻遭父

魯莊公薨子般為共仲所弒而陳治註魯莊公之喪則 天子之縣內註縣內夏時天子所居州界名也按漢時 謂趙文子也而註曰知其賢而舉之即不遺友之實 得禮之正而已矣曰三年弗取而後嫁之非禮也故 其友至記者記所舉於晉國管庫之士七十有餘家 曰莊公為子般所弒趙文子謂隨武子謀其身不遺 日此非夫子之言是記者之過也 仍指隨武子其疎謬類如此

というしていた

温闹礼記

金分正尼台量 王制司徒命鄉簡不帥教者至四不變然後屏之樂正 疏云虞書五流有宅五宅三居是也者鄭註云宅讀曰 簡不的教者止於二不變遂屏之鄉民愚而其分甲 故其退之也以渐愚可矜也其進之也亦以漸卑不 按書五刑一章即是有虞律法其刑具畧見於此 吃懲刈之器五吃者是五種之罷謂在一枯二拳三 稱縣官宜本此 可躡也若王子公卿之子其習於教也久矣而猶不

火に日本人はち 詩禮而其難化猶甚於衆庶之家也 帥則再不變而棄之何疑至於學成而進之則一朝 成之候以三年之近而考馬則必四不變而後屏之 謂衆庶之家為易治故鄉遂之所考常在三年大比 而為造士非過也此先王因人施教之法也陳氏則 之時世族之家為難化故國子之出學常在九年大 矣然吾未聞先王之世公卿之子弟薰陶仁義漸摩 以九年之遠而簡馬則雖二不變屏之可也其說似 湛围扎記 Ť,

金りせんとこう 大樂正論造士之秀者以告於王而升諸司馬曰進士 故知此中兼之但文不具耳劉氏曰鄉學秀者之升 者皆司馬主心下文更不見鄉人及邦國所貢之士 司士屬馬其職曰以德詔爵以功詔禄即知但入仕 邦國所貢之士亦當升諸司馬以司馬掌爵禄故有 郷人入學為造士者亦同於此其郷人不在學者及 曰選士國學秀者之升曰進士其選士者不過用為 此文承王子公卿大夫之子下似專據王子等其實

次定四車全書 一 禮運是故夫政必本於天殼以降命命降於社之謂散 鄉遂之吏而選用之權在司徒也其進士則必命為 有二道可為選士者司徒試用之此其一也司徒升 學教選之異所以為世家編户之別然庶人仕進亦 朝廷之官而爵禄之定其權皆在大司馬此鄉學國 地降於祖廟之謂仁義降於山川之謂與作降於五 邱氏亦主此說恐未然 之國學則論選之法與國子弟同矣此其二也近世 湛園礼記 主

THE PERSON 鄭云社祀后土配以勾龍稷祀神農配以后稷又云 歲祭祀有四其一為孟冬祈年於天宗即蜡臘也 教地此亦當云命降於祖之謂 般廟以上文 既具故此 蜡祭先嗇註訓神農祭司嗇註訓后稷是祭稷非祭 變文直云命降於社之謂散地上云命降於社之謂 祀之謂制度正義曰上既云必本於天般以降命 亦當云必本於地般以降命但上文既具故此各而 又畧而變文正義此段論最妙乃作文與句之法 V. 投

飲定四車全書 人 廂刀 特牡丹漆雕幾之美註幾謂漆飾沂鄂也按沂鄂恐 敢掉罄隱義云齊人以相絞訐為掉磬 則姑舅若使介婦母敢敵耦於家婦註雖有勤勞不 則右佩紛恍云云疏皇氏云以右廂用力為便故 即根圬之意謂器核角也 社也先儒無辨其說者 (物此人身左右亦得稱廂也後又云此刀大於左 湛围机記 佩

玉藻玄端而朝日於東門之外註端當為冕字之誤 **義曰知端當為冕者凡衣服皮弁尊次以諸侯之朝** 裳則是朝服此朝衣素裳皆得謂之玄端若天子諸 素裳為諸侯朝服注云玄衣則此玄端也若以素為 聽朔之服卑於視朝與諸侯不類且聽朔大視朝 服次以玄端按下諸侯皮弁聽朔朝服視朝是視朝 故知端當為冕又按王制云周人玄衣養光註玄衣 )服甲於聽朔今天子皮升視朝若玄端聽朔則是

次至四車全書 古之教者家有塾黨有库術有序國有學疏鄭註州長 職云序州黨之學則黨學曰序此云黨有痒者鄉學 言黨附鄉也黨為鄉學之库不別立序凡六鄉之內 侯以未為裳則皆謂之玄端不得名為朝服也按前 曰庠故鄉飲酒之義云主人拜迎賓於庠門之外注 云库鄉學也州黨曰序註云黨有庠者是鄉之所居 云次以玄端在諸侯朝服之下者乃是朱裳故為最 Ų 淇園礼記 Ī

全りせん ノニ 喪大記統以組類為之級之領側若今被識矣按被頭 月令李秋之月合諸侯制百縣為來歲受朔日與諸侯 别施帛為緣好為被池宋子京詩春寒到被池是也 庠則上黨字又難通 **浩改祈為州州之學曰序周禮鄉大夫春秋以禮會** 此州學為庠近今之府學遂學為序近今之縣學陳 民而射於州序是也然州黨曰序序兼屬黨鄉學曰 州學以下皆為庠六遂之内縣學以下皆為序也

所稅於民輕重之法貢職之數云云陳集註舊說秦 事也若受朔與貢稅將分命諸侯以領之百縣非 矣何故復有建玄之意乎季冬之今日數將幾終歲 用周正而以建寅為月令之首是也知夏正之得時 建亥此月為歲終故行此數事者得之愚按此書不 時所可偏故必預備之於三月之前而後及事豈以 柳大夫共飭國典論時令以待來歲之宜此真歲終 且更始故知其終以夏時為準矣又曰天子乃與公

次足可車主書

湛圆礼記

金げせんとこう 文王世子第五節文王之為世子也七字石梁王氏謂 哉悲夫 書諸儒當戰國分争樂殘禮廢之後尚有區區抱異 行文劉氏强解不通余謂當在第三節武王的而行 度其見固已迁矣而況欲伸其說於李斯焚書之 古而被坑者即此輩也彼欲依不幸以行先王之法 經以冀復古制者其後共議封建非笑始皇事不師 九月之為歲終然哉蓋不韋為相大集羣儒以為此

次定四車全書 ! 天子大蜡八註先嗇一司嗇二農三郵表畷四貓虎五 文王教世子前蓋是舊書篇名記者失於刪去耳 不可易矣蘇氏云迎貓則為貓之尸迎虎則為虎之 分疏八者於下口祭先嗇司嗇樂農及郵表暇禽獸迎 坊六水庸七昆蟲八按八蜡之祭本以其有功而報 貓迎虎而未當及昆蟲知王庸分迎貓為一事其說 之昆蟲何功馬且祝辭曰昆蟲無作而反祭之與記 **义上恐是錯簡後教世子三字石梁亦謂行文余謂** .湛图礼記

内則疏芝栖應是一物今春夏生於水可用為植其白 ,則為妄當是三月會男女奔則不禁之時也若桑間 能為灾害故祭以止之則祭昆蟲者亦祭其神也然 者不堪食疑即今之菌也 此說與記注俱鄭自為之不可信果有祭神之 周禮族師春秋祭酺亦如之註縁與食穀之蟲此神 尸亦不及昆蟲可見若昆蟲有尸當作何像耶或云 大田之詩何公復祈田祖畀炎火耶 /禮則

手りで

人とこう

論語凡有若曾子門人之所記則必稱子禮運陳註云 ところう これう 君與尸行接武大夫繼武士中武徐趨皆用是疾趨則 游門人 趨君大夫士皆宜依此禮而行之若疾趨則不必以 接武繼武中武為拘而手足則不可改其常式耳 疑出於子游門人之所記然首尾皆稱言偃其非子 濮上乃王法所必加何妾之有 欲發而手足母移徐趨對下疾趨則趨猶行也言徐 八所記可知 湛圆礼記 Ī

金分四届全量 大白冠緇布之冠皆不殺委武古編而後矣奏或皆恐 大大次於公館以終喪士練而歸此也等士次於公館 矣 解徐趨為或徐或趨則於疾趙說不去 士 大夫居廬士居至室此亦倚廬即公館大夫朝 士皆居公館終喪而邑宰居堊室至小祥始還治不 有冠卷則必有從故云委武立編而後從 也前云喪人呼卷為委齊人呼卷為武立編二冠旣 别前云喪 知當時大小職業何以為理三年諒陰子張已疑之

27.10.01 1.4.5 父有服宫中子不與於樂子齊衰之服期而畢矣亦與 蓋喪冠繆與武共一 必有從似有武必有從與前不同矣然玩註一別字 以為武是喪冠有武而無從也此云既別有冠卷則 自不得與於樂此說最明所謂子姓之冠玉藻云縞 冠不終又云喪冠條屬註云以一條繩屈而屬於冠 父同有服乎正義曰若重服則期後猶有子姓之冠 繩是別有冠卷也故必有殺 4 繩若吉型則纓與武各一 围轧钯 Ē 一絕各

金分四四全書 深衣篇純袂緣純邊廣各寸半疏袂者純緣也謂純其 七月日至可以有事於祖七月日至僅可有事於祖知 周禮夏至祭地之說蓋妄 冠玄武 邊者謂深衣之旁側也廣各寸半者言純袂口及裳 袂緣則袂口也又云緣讀為楊謂深衣之下純也 緣句經邊句 下之楊并純旁邊其廣各寸半依此讀則純句袂句

久已日 巨江山 燕義古者周天子之官有庶子官一節確是誤人燕義 鄉飲酒義間歌三終合樂三終疏謂笙歌已竟而堂上 者吳幼清儀禮傅以第二節起而移此節於末蓋因 與堂下更代而作堂上先歌魚魔則堂下笙由戾此 終也按由庚崇丘由儀即魚魔嘉魚南山有臺之 故有聲無辭非關也南陔白華華泰亦猶是矣 一終又其次堂上歌南山有臺則堂下笙由儀為三 終次則堂上歌南有嘉魚則堂下笙崇丘此為 湛圆礼犯

金にせんろう 周禮使萬民觀治象故無刑小宰帥治官而觀治象之 按太军所掌心 周禮為正 法故悚之以常刑又以大刑警於宫中也令於百官 府疑單指宫中之官 後有獻世子句所以附釋庶子之義耳然畢竟歸之 不獨理財矣歲終詔王廢置三年 九貢九式此理財之常法而九兩繋邦國之民則又 法、 則 柄 統此治典之大綱九 大計謀賞合奉事 賦

欠いりにいい 考會稽司書職內職歲職幣屬馬職內掌邦之賦 府屬馬領其賄於受用則外府屬馬玉府則分內府 項太府分太宰理財之一事而領其貨於受藏則內 誅之皆是總舉庶職合太宰小字宰夫職分自是 **羣吏正歲會月要日成治其不時舉者以告家宰而** 亦自是 之貨而職其小用者也合太府內府外府玉府職分 一職掌而受治也小宰職掌其貳以赞家字宰夫合 一項司會亦分太宰理財之一事而專主鉤 1 湛图儿记

蛋分比位 全寸 與會財相對舉職合司會司書職內職歲職幣又是 亦不知周公建官總領分核之深意矣 用人 有外府職幣掌振餘財亦如太府之有玉府蓋用財 亦如太府之有內府職歲掌邦之賦出亦如太府之 及家宰廢置單指理財一事論者不知以為周禮合 氏枝江縣學記謂周禮無師儒之信學校之地不知 項太年所謂的王蘇置所該者廣司會所謂的 理財而一之而因渾司會於小字字夫之列是

問師比長其人地至微而亦得沾虧祿之祭今之郡 遂之民各為保伍各相教治異其爵秩別其貴賤謂 也何氏曰自鄉大夫至比長自遂大夫至鄰長皆鄉 書其孝弟陸朔任邱書其德藝者旨比問族黨之 之教官謂之鄉吏不受命天子操刑政之權者也然 推之及於州鄉皆然此以見周之無人無地之非教 也故五家為比而有長則其地即在五家之中矣。 **下五家為間而有師則其地即在二十五家之中矣** 

人八日后八十

淇囱礼記

金分四月 全量 骨師賈師各二史每二十肆骨師賈師! 縣教官其於教育人才之責至重而反下同於抱關 擊杯何其輕於視教耶 大夫每遂中大夫一人比鄉大夫下 而奉六人也司魏十肆一人司稽五肆一人胥二 為之禄子蓋亦不勝其換矣 奉四十二人也此四十二人者肆出其糈乎抑官自 人通上六人計之是每二十肆共 一秋自此過降 人是二十 肆 肆

久正日年 八十二 載 族 師甸稍縣都十而取二則有倍畝之入矣其地皆卿 師五家為比十家為聯五人為伍十人為聯四間為 所以鼓舞不倦而羣安於比問族黨之中與 法同保中有罪往往連坐而善則無及馬是有刑罰 而無慶賞也唯周家刑罰慶賞皆得以相及相共此 家十人八問為之聯即後世保甲法也然後世之 級至都長不得為下士矣蓋亦重近畧遠之意 (間為聯使之相保相愛刑罰慶賞相及相共按 湛国礼記

金分に四合言 調 誾 師主徵六鄉貢賦之稅者與前問胥不同蓋此特借 其近民以為號耳 秋之重以優親賢者也 三宥之類法所不加而孝子仁人之心則 自有不能 大夫之采地及王親子弟之食邑必皆膏腴之田而 (所謂過而殺傷人者以民成之此殺傷或是八議 )者故和難者使辟之則兩得之矣然而王法亦不 以無伸也父之讐辟之海外海外者魚鷩蛟龍之

とこうに とはら 不同國是即今法所謂流五百里以下者也然則殺 之外是即今法所謂流一千里者也從父兄弟之讐 雖辟而實則與竄流之無異矣兄弟之譬辟諸千里 民間之相殺非過非故而理所當殺如殺越人於貨 凡殺人而義者不同國令勿讐之此所謂義者亦指 枕干寝塊而誓不共戴者至是亦可以少慰矣又曰 與遊魑魅魍魎之與處是傳所謂屏諸四夷者也名 八之罪雖放而法未嘗不伸而仁人孝子之心所為 湛固礼記

金发四库全量 有舊說殺人而義者為當官執法而殺人如此則辟 勿讐之讐之則死勿與同國者其子弟之自往辟之 然為其所殺子弟義不得已也但勿與同國而已令 律蓋事起倉卒其勢不及告於有司斯殺之無罪矣 凡民周不熟者今律竊盗章亦有登時打死弗論之 之他境吾未見當官執法可以去位而辟人者且殺 也非殺人者之辟之也既義不得讐之矣亦何辟之 1罪曾數至於有司之庭矣是終日辟人無己

久己日早 E 15 德行道藝黨正書之矣而司諫復書之曰以考鄉里之 **廢置以行放宥者不獨廢置放宥乎一人而凡鄉舉** 異矣前言刑罰慶賞相及相共以考鄉里之治以詔 里選之公私皆得以其所舉之賢否治之也此之 所不及也其法之嚴密如此此與後之九品中正者 也其說之荒謬不泰甚乎 相及相共而民無不勸懲矣 治者蓋不敢純任比問族黨而以助鄉大夫賓與之 湛围礼記 芫 間

金灯匹尼石工 周家兵數皆從井田出諸侯千乗者得士七萬五千 士糙甲車馬無不有截然一定之數本國不可得而 天子萬乘則得士七十五萬人井田之制一定凡兵 增派異國不可得而召募故其時雖有封國大小而 强弱不甚相遠井田廢而丘甸無稽則一家而正羨 俱行矣井田廢而游手無食則異國而流亡接踵矣 的以亂封建之所以亡也唐亦以口分世業而有 强吞弱并而天子夷於列國小國棄為臣隸兵制

大いり mer Crops 世婦每官卿二人下大夫四人中士八人男子之官而 當而亂亡接踵耶此等俱宜闕文 嬪世婦女御無爵秩者天子妃嬪次序自定非官職 府兵之制自租庸調之法壞而曠騎不得不變矣 奄人得為卿大夫士亦何怪後世寵秩此輩至於過 稱世婦奇用卿大夫為官官九奇雖疏解為奄人然 也何爵秩之有春官世婦有卿大夫士之爵非天子 /嬪御乃后妃以下之傅母有職者也故加以男爵 湛闽礼記 柯氏曰天官九

重非可暫取之於外者殆是擇嬪御中之有德行者 嬪御其人 别可以免奄官竊柄之禍矣 故明乎春官世婦之職可以無疑於内字混男女之 外宗之有齒德者或王族之婦人或卿大夫士之妻 見其官有府矣若是天子嬪御則府史奚何為哉故 女府史各二人奚十有六人者其職簡也然亦可 知春官世婦為傅母以教六官禮事者也或曰既非 (何自取之曰以德行為本道藝次之或內 按世婦所掌禮甚繁

金分口人

欠正马巨 三十 褻己甚亦疑其未必出於周公之制也 其害有不可言者安在其為先王之政哉但卿大夫 婦人卿大夫士之妻出入宫禁交通請囑亂政宣淫 爵秩耳豈有異哉若如柯氏說則內外宗與王族之 士外朝之班爵也而以冠裳之秩濫被之於婦人其 待師保之選矣天官特統舉之春官職禮故備列其 中者如是則女調不至過盛而宫中皆有所勉勵以 為之自大夫士以及於女府史奚總選取之於六官 洪围礼記

金好世屋有量 家人凡死於兵者不入兆域註死兵謂戰敗無勇者果 穆之外先王勸懲之意當不若是其借也 蚩尤作兵詩衛風擊鼓疏古者謂戰器為兵左傳 **墜外之罰矣蓋兵者刃也死於兵是得罪被刑死者** 鄭伯朝於楚楚子賜之金曰無以鑄兵兵者人所執 者縣令之族葬而執干戈以衛社稷者反棄之於昭 爾則童汪錡竟宜殤而結纓之子路将不免於投 以其有罪辱及其先故絕之以示罰不然彼以罪誅 ¥. 日子

太史掌建邦六典即漢上郡國計書於太史之意但郡 兆域 國之志則掌於小史漢似并之而令之所稱史官大 **虧孝子义意傷人臣义心自今以後戰亡之徒宜入** 年詔代俗之徒不達大義至於致命戎旅不入兆域 因號人亦曰兵經云踴躍用兵謂兵器 王八柄之法以詔治所以防冢宰之姦而殺其權也 抵皆小史職也 太史掌典法則以逆治内史復掌 隋仁壽元

たとりいけんかい

湛图礼記

呈

金切口见人 **虎賁若道路不通有徵事則奉書以使於四方奉書以** 司右凡國之勇力之士能用五兵者屬馬五兵戈父戟 小子掌祭祀羞羊肆羊散肆音易入聲豚解而腥之也 **酋矛夷矛古者車戰戈受戟矛皆長器故刀之用甚** 我則體解而爛之也先鄭謂羊肆體為全然非是 少雖斬人亦用戈也 太史所考而不信者刑之内史易誅而殺皆執法之 士則今内臺之職與

欠二百日八十五 校人領良馬而養乘之周萬兵於農故養馬民間令其 害矣 家田獵祭祀朝覲會同之所用國馬養之在民公馬 馬也校人以下所掌此公馬也國馬行軍公馬給公 調習其勢然也又有井田之法故甸出長較牛馬民 進至以善走而得節度何其謬與 使於四方以其能疾走也虎賁之制不明而五代王 不知病今兵民既分井田不復近世馬户之制專為 司馬法甸出長數一乘牛三頭馬四匹此國 湛闽礼記

金分正尼白十 條狼氏掌執鞭以趨辟凡誓執鞭以趨於前且命之誓 於度謂之無任言木不勝其任也後人用無任皆本 僕 **豈使臣以禮之意且誓誠朝士亦不宜委之執鞭** 戰國非周制古者刑不上大夫而曰敢不關鞭五百 養之在官 僕右曰殺誓取曰車螺誓大夫曰敢不關車螺起於 於此

祭侯之禮以酒脯監其辭曰云云按儀禮射釋算 たいのはたいかの 然後司馬實爵而獻獲者於係為脯臨折俎獲者執 以祭侯此乃祭畢之事而舊說云將射而先祭恐誤 3 u 器

港園礼記卷二				金万里是人子里
``				*=